

COVID-19 Qalagjuarnikkut GN-kunnin Nutaamik Tuhagtidjutta

Hikutirvia 9, 2020

Hivuliuqtimin nutaamik tuhaqtidjutaa

Ublaakkut. Malrungguktuuk naunaiqtauhimajuuk aannialiqtuuk COVID-19 qalagjuarnirmik Sanikiluarmi. Tadja naunaiqhimaittut nunamingni hiamitirnianik ukuak malruujuuk aannialiqtuungnit – ihumagijaujuq iglumiugatiigiiktunut hiamitirnianik. Attautimun amigaitilangit inuit munarijaujut ublumimun 3834. 634-ngujun inuit tadja munarijaujun. Amigaqhuuitiqagtumik havaqatigiiktut ikajuqtiujut tikittut Sanikiluarmut Saluutimi ikajutriaqtuqhugit nunangani, imaalu naunaijattiarumaplugit atuqtakhangit ikajuutikhat qaniklihimajainnik aanniaqtumut naunaiqtauju Khanik imaalu ihivriugtauju khat pijariaqaqqata.

Uqariikhimajugut qakugu imaatungittumik COVID-19 qalagjuarniq tikitpat Nunavunmut. Aannialiqtuqarmat hamani, munaqhittiaqtukhauijugut. Ilihimagugut aanniaqtailinikkut maliqatqujahimajut imaalu tamarmik Nunavunmiut atuliytaqhangit maliqattiarlugilu tamaita.

Tamapta munarijaqatugut nunallaaptingni inungnik, imaalu qanuriliurutikhaptingnik ikajuutikhaptingniklu aanniaqtailitikanik.

Uaqataarlugit algaṭit. Maliglugillu inungmit un'ngahikhimajukhat - niuvvaavingmi, havagvingni, titiraqarvingmi, imaalu inuugiangnirmi katimajuni. Uaqattarlugit atuqtaugattagtut qanngit. Aihimalutit aanniaruvit.

Itgaumaluhi hulidjutitin hulagutijun tamainnun aanniaqtailidjutainnun.

Nutaatqianik COVID-19 qalagjuarnikkut ilitturipkaidjutinik ukunanilu GN-kunni Havagviinni nutaani ilitturipkaidjutinik tamainni uqauhini: <https://www.gov.nu.ca/health/information/covid-19-novel-coronavirus>;
<https://www.gov.nu.ca>



INUK | ENG | IKW | FRE



INUK | ENG | IKW | FRE

Atanilluaq Nunallaani Aanniaqtailinikkut Havaktimin nutaanik-ilitturipkaidjuti

Ublaakkut. Havangnadjutaani naunaiqhijugut aallamik inungnik aannialiqtumik COVID-19 qalagjuarnirmik Sanikiluarmi. Ihivriughidjuta naunaiqtaujuq Iqalungni, ihivriuqtauvikhat iniqtaujuq naunaiqtaupluni aanniaqtuq ihivriuqtaudjutaanit. Nutaaq naunaiqtaujuq iglumiugatingat hivullup aannialiqstup imaalu tadjia hiamitiqhimaittuq aanniarut nunangani. Tuklia aannialiqtuq mihingnautiqauqtuq imaalu naamnainauqtuq.

Tallimiunmi, aullaqtitijugut Amigaqhuuitiqauqtumik Havaqatigiiktut Ikajuqtiujut ikajuriaqtuqtut havaktinginnik nunangani Sanikiluarmi. Atauhiq munaqhi atauhirlu naunaijaijikkaq aullaqtitaajuuk ikajuqtikhak tapkuninga naunaijaidjutikhainnik qaniklihimajainnik aanniaqtumut. Pingahukhat munaqhi aullaqtitaajuq nunanganut ublumi. Amigaqhuuitiqauqtumik Havaqatigiiktut Ikajuqtiujut (RRT) ikajuqtaujuq unngahiktukkut inungnut aanniaqtailinikkut munaqhinit hivajautikkut uqarviuplutik.

Qaniklihimayainnik aanniaqtumut naunaiqtauyukhanik aullaranginnaqtumik imaalu ihivriughidjutingit aullaqtitauvaktut Iqalungnut ubluq tamaat ihivriuqtaujukhat. Ublumimut, tamaita qajagijaujut qaniklihimajut aanniaqtumut naunaiqtaujuq nunangani.

Ilihimajunga ihumaluuktut nalluqhaqtullu tadjia kihimi ikajuqtigiikluta havaqatigiikkupta ihuarniaqtuq. Munaqhitkutnit hivajaqtauguffi, kiudjavaqhi hivajautit. Una naunaitkutaatit himaitilimaittut. Mihingnautiqaliruvit, anginiqauqtuq hivajadjavutit munaqhinit. Maliqajakhatit munaqhikuni havaktingit ikajurahuarluta hiamitiqtailitikhnik aannialaqidjutit.

Unaguqhirvik, uqaudjaujugut Manitoba Public Health tamna Nunavunmi nunaqagtutaanniarviliaqtut avalingarvikhat najugaani Winnipeg naunaiqtaujuq aannialiqtuq COVID-19 qalagjuarnirmik. Taimaittunaqhijuq aannialiqhimajuq Winnipeg pidjutiqarunaqhijuq aannialiqtumut Sanikiluarmi.

Inuk tamna naamainaliqtuq imaalu maliqajuq avalingarvikhaminik maliqatqujauhimajunik. Naunaitkutikhangit taffuma inuup aktuqtauhimajunaqhijut aannialaqidjutimut hivuani itiqtitautinnani avalingarvikhamut ukpiruhiktugullu qajangnarluangittunaqhijuq hiamitirnikhanut aallanut inungnut itiqtirvingmiujhunut.

Inuk tamna avalingaqtitaujuq imaalu anijukhaungittuq igluarminit tadjia.

Kingulikpamik, tunijaujugut unniudjutinik aanniaqtailinikkut munaqtiujunit havaktiinit ihuigijauvaktut uqamilukviuvaktullu ilanginni nunallaani tamna aannialiqtuq COVID-19 Qalagjuarnirmik tuhaqtitauraaqtitlugu. Hapkuat angutit arnallu tikitpakhimajut hivuraanit

Nutaatqianik COVID-19 qalagjuarnikkut ilitturipkaidjutinik ukunanilu GN-kunni Havagviinni nutaani ilitturipkaidjutinik tamainni uqauhini: <https://www.gov.nu.ca/health/information/covid-19-novel-coronavirus>; <https://www.gov.nu.ca>



[INUK](#) | [ENG](#) | [IKW](#) | [FRE](#)



[INUK](#) | [ENG](#) | [IKW](#) | [FRE](#)

tunihijaqtuqhutik ihariarijaukpiaktunik kivgaqtuidjutikhanik ikajuqpiakpaktut anginiqaqtunik munaqhijutikhanik tamainni avikturnianni. Hapkuat maliqattiaqpiaktakhat maliktakhat piluqtauhimajut inungnut aannialiqtainikkut maliqattiaqujaujunik.

Kangiqhijugut ihumaluutaujut inungnut avaklingagakhaittunut aullaqtinnatik Nunavunmut, kihimi iidjuhiqaqtut hivuranaqtumik qaipkainirmik inungnik qilamik anginiaqtuq. Akhuuqpaktugut qajangnaitkutikhanik inungnut tamainnut tikittukhanut avikturnianut hapkuat ihariagijaukpiaktut havaktikhat mikijuq.

Quana.

Nutaatqianik COVID-19 qalagjuarnikkut ilitturipkaidjutinik ukunanilu GN-kunni Havagviinni nutaani ilitturipkaidjutinik tamainni uqauhini: <https://www.gov.nu.ca/health/information/covid-19-novel-coronavirus>;
<https://www.gov.nu.ca>



[INUK](#) | [ENG](#) | [IKW](#) | [FRE](#)



[INUK](#) | [ENG](#) | [IKW](#) | [FRE](#)

Ilaupluni Nunavut Kavamanga (GN) havagutainnik hapumminikkut Nunavunmiunnik talvannga qajangnarnirmin COVID-19 qalagjuarnirmin, GN-kunni Havakviit atuqtipkaliqtait hapkuat:

Havagviat Aanniaqtailinikkut

Kihiani amigaqhuutiqaqqan, apigiyugut inungnun Sanikiluarmi hivajaqtukhaujut munarhikkut atugianganik atuqtakharnik. Inuk kituliqaak apiqutiqaqqan talvuuna COVID-19 Qalagjuarnikkut apigiyauyut hivajagiaqaqtun hivayautmun umunga 1-888-975-8601.

Atauttimun (Tamaita Avaliingaarnikkut Najurviit)	
Aullaaqtuq Qanurittumik	Inuit Avaliinngaaqtitaujut talvannga Hikutirvia 7mi
Aanniarnikkut	417
Inuit inmikkuuktut	245
Attautimun	662

Aullaqhimajun utiqnun naunaijautaa:

Aullarvia Ublua	Amigaitilaangit Aullaaqtun Avaliingaarvingnin
Hikutirvia 7	0
Hikutirvia 8	19
Hikutirvia 9	78
Hikutirvia 10	46
Hikutirvia 11	59
Attautimun	135

Ihariagijauqpiagtuni Havaktini Tukhirutin

Talvannga Hikutirvia 9mit, pilik 8480 tukhirutinik, 3985ngujun ihariagijauqpiagtuni havaktini tukhirutinik.

Tukhiutait Qanurinniit	#	%
Angiqtaujut (ilaujun ihariagijauqpiagtun ihariagijauqpiangittullu)	5646	66.6%
Qin'ngijaujun	279	3.3%
Ihumaliuqtaujuun huli	258	3.0%
Aullauvilluarvigijainni Nunat Angiqtauhimajut	2297	27.1%
Attautimun	8480	100%

Nutaatqianik COVID-19 qalagjuarnikkut ilitturipkaidjutinik ukunanilu GN-kunni Havagviinni nutaani ilitturipkaidjutinik tamainni uqauhini: <https://www.gov.nu.ca/health/information/covid-19-novel-coronavirus>; <https://www.gov.nu.ca>



[INUK](#) | [ENG](#) | [IKW](#) | [FRE](#)



[INUK](#) | [ENG](#) | [IKW](#) | [FRE](#)

Havagviat Ilinniaqtuliqijikkut

Ilihalihaagtunik 12mun Puqtunigaagtunik iliharviit

- Malikhugit Nunavunmi Atanilluaq Nunalaani Aanniaqtailinikkut Havaktimin, Sanikilurmiq tadsa uvani ittuq **Qanurininga 4: Nunangani Hiamitiqtuq aanniarut COVID-19 Qalagjuarniq** hivunirmi ilituripkaktauffaarniaqtugut.
- Aallat nunallaat imaaluuniit iliharviit aktuqtaungittut tadsa.
- Havagviat upalungaijailigtut ikiaqquurutikhat hanaiqhimajut qaritauijat tujuutauniaqtut iliahtutut havaktiinullu talvani Paatsaali Angajukhiit Iliharvianut ikajuutikhanik aullaranginnaqtumik iliharnirmik.
- Tadsa, iliahtut havaktingillu taffumani Nuiyak Nukaqhiit Iliharviani tujuqtaulimaittut qaritaujanik, ilinniaqtuliqijikkut utaqqingmata ikkiaqquurutikhanik ihuaqtunik atuqtakhanik qaritaujanut iPad-nut. Ilinniaqtuliqijikkut pikpatigiik imaalu tujuutauniaqtut Sanikiluarmut. Tadsa, unghiktukkut iliharnirmik nukaqhiit iliharvianni tunijauniaqtuq hivajautikkut uqarvigilugit imaalu iliahtutikhat puukhimajut.
- Tamarmik Nunavunmi iliharviit havaktingit, ilaujullu havaktiit Sanikiluarmi, iniqhijut ajuiqhaqtamingnik taffuminga Edsby qaritaujakkut unghiktukkut iliharnirmik atuqtakhainnik. Ilinniaqtuliqijikkut piniaqhimajut piliurlutik Edsby atiliurvikhanik tapkuat Sanikiluarmni havaktingit iniqhilutik qitiqqukpat havainirmi, imaalu iliahiit uqarviginiaqtait iliahtutit ilautqulugit taffuminga Edsby.
- Qajangnaittumik maliktakhangit tuniuqhaidjudutikhanik qarijaukkuurutikhat imaalu iliahtutikhat puukhimajut tunijauniaqtut iliharviinut.
- Sanikiluarmi iliharviit tunijauniaqtut aallanik halumaqtirutikhanginnik Tattiarnaqhilirvia, imaalu amigaattunik inuum atimajakhait qajagidjutikhat (PPE) tujuutauniaqtut Sanikiluarmut ikajuutikhanik tuniuqhaidjudutikhanut qaritaujakkuurutikhangit atuqtakhat iliharnikkut puukhimajunik.
- Takulugu qanuqtut Havagviat Ilinniaqtuliqijikkut aanniaqtailijait iliahtut qajangnaittumik, takulugu [gov.nu.ca/education](https://www.gov.nu.ca/education).

Nunalingni Kavatkunillu Pivikhaqautikkut Havagvia

Tukhirutit nunamungaujaami nappaqtirinikkut pidjutilingnik havaktakhanik aullaariamiluunniit nunami ukununga nappaqtirinikkut pidjutilingnik havaktakhanik tujuqtauttaagtun qaritaujakkuurutikkut titiqqidjutikkut uumunga CPHOconstructionrequests@gov.nu.ca

Nappaqtirinikkut havatiit iniqhimajun avaliingarnikkut ublumimun: **2086**

Nunavunmiutat aanniaqtailidjutait atauttikut munaridjutigijavun! Itqaumaluhi: uarlugin algatin qaangillu hunani, inungnin ahiqpaniitpaklutit, tuhaalugin uqaudjutait aanniaqtailinikkut havaktinit, aihimalutillu aanniaruvun.

Nutaatqianik COVID-19 qalagjuarnikkut ilituripkaidjutinik ukunanilu GN-kunni Havagviinni nutaani ilituripkaidjutinik tamainni uqauhini: <https://www.gov.nu.ca/health/information/covid-19-novel-coronavirus>; <https://www.gov.nu.ca>



[INUK](#) | [ENG](#) | [IKW](#) | [FRE](#)



[INUK](#) | [ENG](#) | [IKW](#) | [FRE](#)